

Romeine 8: 1 – 17.

Teks van Oordenking: Romeine 8: 9 julle is egter nie in die vlees nie, maar in die Gees, as naamlik die Gees van God in julle woon. Maar as iemand die Gees van Christus nie het nie, dié behoort nie aan Hom nie.

TEMA: DIE ROL, TAAK EN DOEL VAN DIE HEILIGE GEES IN DIE LEWE VAN DIE KIND VAN GOD!!!!

Oorsig:

Met die vraag begin: Wie is die Heilige Gees!!

1. ONS VIND VERSKILLENDE NAME VAN DIE HEILIGE GEES IN DIE BYBEL!!
2. ONS VIND VERSKILLENDE SIMBOLE WAT GEBRUIK WORD VIR DIE HEILIGE GEES!!
3. Die Bybel is verder baie duidelik dat die Heilige Gees 'n PERSOON is!! Sy dae en Karaktertrekke waarna verwys word is dieselfde as wat 'n mens na 'n persoon sal verwys!!
4. DIE GODHEID VAN DIE HEILIGE GEES!!

DIE ROL, TAAK EN DOEL VAN DIE HEILIGE GEES!!!! Johannes 16 vers 8 “ en as Hy kom, sal Hy die wêreld oortuig van ( 1 ) sonde en van ( 2 ) geregtigheid en van ( 3 ) oordeel ”

Ook stilgestaan by in ons studie oor die werking van die Heilige Gees en meer in besonder : DIE HEILIGE GEES:

- Lei Die kind van God in die WAARHEID!!
- Leer ons alles wat Jesus geleer het!!
- Sal Jesus verheerlik!!

VANAAND GAAN ONS KYK NA:

- Die Heilige Gees *gee sekerheid van Saligheid !!*
- Die Heilige Gees leer ons getuig !!

## **7. Gee Sekerheid van Saligheid!**

- In my kort ou lewetjie het ek baie gou agtergekom dat die meeste kinders van die Here worstel met sekerheid van saligheid OF word dikwels deur twyfel oorval as dit kom by gaan ek hemel toe of hel toe OF is ek ware kind van die Here.
- Somtyds is dit geoorloof omdat mense werklik nie gered is nie – maar ander kere omdat hulle deur die duiwel rondgegooi word!!
- In my eie lewe het ek op en stadium daarmee geworstel en my soeke na en antwoord het my gelei op verwarrende weë.
- Elkeen met wie ek gepraat het, het 'n ander antwoord gehad veral oor Rom 8:16 wat sê dat die Gees getuig...
- Mense het gesê dit is 'n stem in my hart wat sê jy is gered.
- Ander weer, 'n gevoel van sekerheid.
- Ander weer, as hulle twyfel, dink terug aan die die oorgawe, of teks wat geestelike werker gegee het. Dan twyfel hulle weer of hulle reg gebid het – al hulle sonde bely het

- So speel die duiwel dikwels woer woer met ons terwyl God sekerheid aan Sy kinders wil gee deur die werking van die Heilige Gees!!

**1 Joh 5:12** Hy wat die Seun het, het die lewe; wie die Seun van God nie het nie, het nie die lewe nie. 13 Dit het ek geskrywe aan julle wat glo in die Naam van die Seun van God, sodat julle kan weet dat julle die ewige lewe het en kan glo in die Naam van die Seun van God.

**Die vraag is dan: Hoe gee die Heilige Gees sekerheid van Saligheid aan die mens sodat die mens kan WEET hy behoort aan God vir tyd en ewigheid??**

### **a. Deur God se ewige beloftes in SY Woord!!**

**Joh 1:12** Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo; 13 wat nie uit die bloed of uit die wil van die vlees of uit die wil van 'n man nie, maar uit God gebore is.

Met ander Woorde, God se Gees gee sekerheid deur Sy Woord aan die sondaar, wanneer die Sondaar in diepe oortuiging van die Gees om genade uitroep – HERE, RED MY – WEES MY SONDAAR GENADIG!! Hierdie uitroep is 'n geskenk van God wat die sondaar hart oortuig en verlig om die waarheid van die evangelie te snap, te verstaan en aan te neem!!

**Romeine 8: 1, 8-11, 14 - 16.** 1 Daar is dan nou geen veroordeling vir die wat in Christus Jesus is nie, vir die wat nie na die vlees wandel nie, maar na die Gees. 8 En die wat in die vlees is, kan God nie behaag nie; 9 julle is egter nie in die vlees nie, maar in die Gees, as naamlik die Gees van God in julle woon. Maar as iemand die Gees van Christus nie het nie, dié behoort nie aan Hom nie. 10 Maar as Christus in julle is, dan is die liggaam dood vanweë die sonde, maar die gees is lewe vanweë die geregtigheid. 11 En as die Gees van Hom wat Jesus uit die dode opgewek het, in julle woon, dan sal Hy wat Christus uit die dode opgewek het, ook julle sterflike liggame lewend maak deur sy Gees wat in julle woon. 14 Want almal wat deur die Gees van God gelei word, dié is kinders van God. 15 Want julle het nie ontvang 'n gees van slawerny om weer te vrees nie, maar julle het ontvang die Gees van aanneming tot kinders, deur wie ons roep: Abba, Vader! 16 Die Gees self getuig saam met ons gees dat ons kinders van God is;

### **b. Die Gees gee verder sekerheid deur die verseëling van God se kinders!!**

**Ef 4:30** En bedroef nie die Heilige Gees van God nie, deur wie julle verseël is tot die dag van verlossing.

**Ester 8:8** Skryf julle maar, wat die Jode betref, soos julle dit goedvind uit naam van die koning, en verseël dit met die seëlring van die koning; want 'n geskrif, in naam van die koning geskrywe en verseël met die seëlring van die koning, kan nie herroep word nie. (Haman, Mordegai, Ahsveros, Ester.....)

**2 Korinthiërs 1: 21 – 22.** 21 Maar Hy wat ons saam met julle bevestig in Christus en ons gesalf het, is God, 22 wat ons ook verseël het en die Gees as onderpand in ons harte gegee het.

**Ef. 1:13** in wie julle ook, nadat julle die woord van die waarheid, die evangelie van julle redding, gehoor het, in wie julle, nadat julle ook geglo het, verseël is met die Heilige Gees van die belofte, 14 wat die onderpand is van ons erfdeel om sy eiendom te verlos tot lof van sy heerlijkheid. (Pand = teken: Eers verloof **à** trou)

### **c. Die Heilige Gees gee sekerheid deur die Vrug wat ek dra en die sonde wat ek haat!!**

**1 Johannes 1: 5** En dit is die verkondiging wat ons van Hom gehoor het en aan julle verkondig: God is lig, en geen duisternis is in Hom nie. 6 *As ons sê dat ons met Hom gemeenskap het en in die duisternis wandel, dan lieg ons en doen nie die waarheid nie.* 7 Maar as ons in die lig wandel soos Hy in die lig is, dan het ons gemeenskap met mekaar; en die bloed van Jesus Christus, sy Seun, reinig ons van alle sonde. 8 *As ons sê dat ons geen sonde het nie, mislei ons onself en die waarheid is nie in ons nie.* 9 *As ons ons sondes bely, Hy is getrou en regverdig om ons die sondes te vergewe en ons van alle ongeregtigheid te reinig.*

**1 Johannes 2:3-53** En hieraan weet ons dat ons Hom ken: as ons sy gebooie bewaar. 4 Hy wat sê: *Ek ken Hom, en sy gebooie nie bewaar nie, is 'n leuenaar en in hom is die waarheid nie.* 5 Maar elkeen wat sy woord bewaar, in hom het die liefde van God waarlik volmaak geword. Hieraan weet ons dat ons in Hom is.

**1 Joh 3:6** Elkeen wat in Hom bly, sondig nie. Elkeen wat sondig, het Hom nie gesien en Hom nie geken nie. 7 My kinders, laat niemand julle mislei nie: *wie die geregtigheid doen, is regverdig soos Hy regverdig is.* 8 Hy wat die sonde doen, is uit die duiwel, want die duiwel sondig van die begin af. *Vir hierdie doel het die Seun van God verskyn, om die werke van die duiwel te verbreek.* 9 Elkeen wat uit God gebore is, doen geen sonde nie, omdat sy saad in hom bly; en hy kan nie sondig nie, want hy is uit God gebore. 10 Hierin is die kinders van God en die kinders van die duiwel openbaar: elkeen wat die geregtigheid nie doen nie, is nie uit God nie, en hy ook wat sy broeder nie liefhet nie. 14 Ons weet dat ons oorgegaan het uit die dood in die lewe, omdat ons die broeders liefhet. Hy wat sy broeder nie liefhet nie, bly in die dood. 24 En hy wat sy gebooie bewaar, bly in Hom, en Hy in hom. En hieraan weet ons dat Hy in ons bly aan die Gees wat Hy ons gegee het.

**1 Johannes 5: 2 - 4.** Hieraan weet ons dat ons die kinders van God liefhet wanneer ons God liefhet en sy gebooie bewaar. 3 Want dit is die liefde tot God, dat ons sy gebooie bewaar; en sy gebooie is nie swaar nie. 4 Want alles wat uit God gebore is, *oorwin die wêreld*; en dit is die oorwinning wat die wêreld oorwin het, naamlik ons geloof.

**Johannes 10: 27 – 29.** My skape luister na my stem, en Ek ken hulle, en hulle volg My. 28 En Ek gee hulle die ewige lewe, en hulle sal nooit verlore gaan tot in ewigheid nie, en niemand sal hulle uit my hand ruk nie. 29 *My vader wat hulle aan My gegee het, is groter as almal; en niemand kan hulle uit die hand van my Vader ruk nie.*

**V** (Sien ook Jakobus 2:14-26; Galasiërs 5: 16 – 26 ens, ens....)

#### **d. Deur my toename in kennis van die Woord!!**

**Heb 6:11** Maar ons verlang dat elkeen van julle dieselfde ywer mag toon om te kom tot die *volkome sekerheid van die hoop tot die einde toe; (Hierdie sekerheid word net sterker en sterker namate ek die Heiland beter leer ken)*

**2Thes 1:3** Ons moet God altyd oor julle dank, broeders, soos dit billik is, *omdat julle geloof grootliks toeneem* en die wederkerige liefde van elkeen van julle almal groter word,

**2Timotheus 3: 16 – 17.** Die hele Skrif is deur God ingegee en is nuttig tot lering, tot weerlegging, tot teregwyding, tot onderwysing in die geregtigheid, *17 sodat die mens van God volkome kan wees, vir elke goeie werk volkome toegerus.*

**Fil 1:6** *omdat ek juis hierop vertrou, dat Hy wat 'n goeie werk in julle begin het, dit sal voleindig tot op die dag van Jesus Christus; (ens, ens, ens...)*

n As u vanaand in gehoorsaamheid leef, die sonde haat en die geregtigheid liefhet word u deur die gees gelei en bevestig die Gees deur die Woord en u lewe u kindskap.

#### **8. DIE HEILIGE GEES LEER ONS GETUIG!!**

**Hand 1:7** En Hy antwoord hulle: Dit kom julle nie toe om die tye of geleenthede te weet wat die Vader deur sy eie mag bepaal het nie; 8 maar julle sal krag ontvang wanneer die Heilige Gees oor julle kom, en julle sal my getuies wees in Jerusalem sowel as in die hele Judéa en Samaría en tot aan die uiterste van die aarde.

**HOOR WAT GEBEUR!!** Handelinge 2.... 4 En hulle is *almal vervul met die Heilige Gees* en het begin spreek in ander tale, soos die Gees aan hulle gegee het om uit te spreek. 6 En toe hierdie geluid kom, het die menigte saamgestroom en was in die war, want elkeen het gehoor hoe hulle in sy eie taal spreek; 7 en hulle was almal verbaas en verwonderd en sê vir mekaar: Is almal wat daar spreek, dan nie Galileërs nie? 8 En hoe hoor ons hulle, elkeen in ons eie taal waarin ons gebore is? ... 11 Kretense en Arabiere— ons hoor hulle in ons eie taal oor die groot dade van God spreek.

**Die Gemeente!!** Hand 8:1 En Saulus het ook sy vermoording goedgekeur. En daar het in dié tyd 'n groot vervolging teen die gemeente in Jerusalem ontstaan, en almal is verstrooi oor die streke van Judéa en Samaría, behalwe die apostels. 2 En godvresende manne het Stéfanus begrawe en 'n groot rou oor hom bedrywe. 3 Maar Saulus het die gemeente verwoes en in die huise gegaan en manne en vroue uitgesleep en in die gevangenis oorgelewer. 4 En die wat verstrooi was, het die land deurgegaan en die woord van die evangelie verkondig.

**Paulus!!** Hand 9:20 En hy het dadelik Christus in die sinagoges verkondig, dat Hy die Seun van God is. 21 En almal wat hom gehoor het, was verbaas en het gesê: Is hy nie die man wat in Jerusalem uitgeroei het die wat hierdie Naam aanroep, en hier gekom het met die doel om hulle geboeid na die owerpriesters te bring nie? 22 Maar Saulus het al meer krag ontvang en die Jode wat in Damaskus woon, in die war gebring deur te bewys dat Hy, Jesus, die Christus is.

n Ons almal is nie 'n Paulus nie MAAR elke geredde MOET 'n getuie wees- NIE in eie krag nie maar deur die instaatstellende krag van die Heilige Gees!!